

安雅堂未刻稿

安雅堂未刻稿卷第三

萊陽 宋 琬 玉叔 著

五言律

書杭州蕭遠堂壁

壬午四首

家兄構堂止余欲迎老親以居而大河以北道  
弗不可行也一日晨興見雙雀爲巢始成毛羽  
翛翛有悠然自得之意余喟然心動流涕被面  
坐客驚顧至於罷奕蓋是時城墮家破而余不  
知是詩也遂不幸而識矣

不出此庭戶連宵雨始安好峰晴若近古樹影能寬几

待桐陰覆琴宜月色闌巢端雙乳雀羨爾室家完  
日唯考卜日本謂汝居之聚散仍茲室春冬復幾時畱  
松將父看封竹寄兒騎他日癯肥影吾兄夢始知  
歸路愁多阻空堂許蹙臨方池行後事獨鶴此時心官  
况書千帙春光花滿林猶憐思弟切無暇上吳岑  
舊雪瓦猶白新除草欲萋到原期筍熟歸尚及鶯啼賓  
僕寒烟外湖山夜月西鄉園消息斷行止欲魂迷

紀愁詩

癸未八首

追維客臘偶畱滯於江南今復何時乃棲遲於  
冀北飄零霜霰况當草木之衰顛倒衣裳空歎

瓶罍之恥悲號而聞隕籜既自類於窮猿涕淚  
而顧空巢復何心於完卵劉越石歎深疾疾飲  
泣何多陸平原悲及懿親言愁不盡鄉關雲樹  
怕墮鴻書夢裏樓臺看成蜃市仰天怨白日之  
行遲入夜覆紅爐而不暖爰題激楚用寫羈愁  
惟抒庾信之哀莫罄江淹之恨譬之蟲鳴寒月  
偷喙息於人間庶幾樹靡咸陽託音書於地下  
云爾

喪亂人多履憐余禍獨奇鶴鴿原有淚烏鵲竟無枝世  
短星辰徙天高雨雪私弓裘一以沒愧殺學爲箕

豈曰無兄弟，熒熒但覺孤。未歸深自恨，不死欲何圖。舊巷狐狸怒，空城烏鵲呼。艱難思草木，何得寸心無。蒯屨遙瞻闕，麻衣罷倚廬。愁從人去後，亂憶我生初。鄭國唯存笏，班家有賜書。昨來經廢邸，想像奉籃輿。兵火心猶栗，音書骨尚驚。下殤憐弱子，宵搆賴吾兄。假寐時求夜，無言坐到明。故園當此際，安敢問人情。霜雪夜蕭蕭，燕臺客寂寥。舊遊人可數，新鬼賦難招。世態疎任昉，交情望孝標。少年同學者，若箇已雲霄。中夜起徬徨，胡爲滯此方。淚如浮枕去，夢不信家亡。仰面霜盈屋，開扉月滿梁。曾聞飛海水，今日果滄桑。

平安頃有信吾弟近如何身屢供刀俎魂猶怯縉羅  
人依海曲瘞骨向山阿賴有良朋在中宵共枕戈  
骨肉仳離後那能歸去來寸賜能幾許一日必千迴大  
澤龍初逝桓山鳥可哀此身甘隱逸終翦墓邊萊

京口送房周垣北歸

以下乙酉四首

客魂銷已盡况復送君歸身外無完策江干有落暉親  
朋存與沒城郭是還非極目多戎馬停橈淚一揮

間關江海路契闊死生餘忽憶同遊地今成異姓虛何  
年將恐懼有夢見邱墟倘過先人墓荆榛賴掃除

時余家宅

第爲邑  
蒙所據

尊酒話班荆，烽烟鐵甕城。送君如士會，爲我謝田橫。漂  
泊牽吳榜，悲歌變羽聲。孤槎衝巨浪，猶憶向南征。  
江城馳白羽，客淚滿青衫。大海千峰雨，全家百尺帆。各  
嗟新短鬢，持贈舊長鑱。問道如能達，書來蠟作函。

惠山次左匯海韻

逶迤千嶂亂，撥棹入孤烟。磴道流松影，鶯啼過客船。蒼  
崖宜結屋，白衲欲棲禪。滿酌雲根水，漁燈聽雨懸。

示孤姪

已辨遊山屨，低徊爲爾留。難於兼母道，重以別家愁。燕  
壘嗟頻墜，鶴原詎可求。下宮寃未雪，涕淚授春秋。

喜晤孫佗山有贈 二首

長于揮涕別之子遂遐征國漸思劉向人誰問長卿霧

埋江總宅雨暗闔閭城賴有珠盈掌能令匣劍明

時佗山公

子至白

青州

燈火光猶昔干戈遽爾違關河催夢老文字見兵機君

握珊瑚玦余裁薜荔衣援琴三弄罷曲雉朝飛

時佗山與

余俱有卜姻之舉故云

曲水菴寓居次趙韞退韻 四首

坐塘穿竹入漁艇未全知增影孤雲際鐘聲暮雨時草  
蟲吟砌早溪鳥破烟遲隣叟偶相值翛然蓑笠期



葭菼蒼茫甚澄波起夕涼汀烟移樹色佛火入山光曲  
岸回舟遠微風引磬長相將縛芒屨看竹白雲房  
好友每偕臥幽溪快獨尋歸雲迷遠棹織月出疎林階  
下鷓鴣宿牀前絡緯吟北高峰可望向夕禮鐘音  
干戈妨道路浦溆暫邇僧刷黃精返人隨白鳥來飯  
魚荷沼亂看月竹屏開歎息淹留久衣襟滿綠苔

湖上雜詩十首

鼙鼓今何地翻疑此不聞愁看三竺月空憶二勞雲刷  
筇凌晨起彈棋到夜分野鷗何意緒亦似惜離羣

古寺荒荒雨羈心竟若何音書天外斷骨肉夢中多有

地容樵牧無家問薜蘿餘生安可料假寐尚無吡  
山色南屏好空濛半有無曲塘容舴艋衰柳臥鶉鴝雲  
起千峰亂天晴一壘孤興來思遠眺羌笛滿西湖  
地僻人宜懶溪深僧亦愚所親惟做屨多累是殘書卷  
幔容棲鳥閒階欲上魚客來城市裏戰伐近何如  
故國存良友多應賦采藍無書通楚北有客滯周南欲  
隱還垂釣將歸必結菴生平戎馬後不敢恨江潭  
小閣橫塘接盈盈一野航花邊歸浣女竹外出漁榔雲  
水常蕭瑟蒹葭自渺茫不因飄泊甚此地亦滄浪  
舉室仍淹泊相看月又弦隔溪通僕語傍樹起人烟似

欲忘蓬徑憑誰乞酒錢小舟來往熟不復用長年  
長夜多蕭瑟簷鈴與佛燈歸人從鳥路落日在漁罾石  
榻留雲宿烟巒少客登有誰問名姓天外一孤僧  
生趣飄搖盡天涯涕淚侵寒鷗分曉夢荒草蔓歸心散  
髮晞桐露移書就竹陰楊梅微雨後攀摘到幽林  
舊里蓬蒿徧他鄉道路違正愁聞鷺語久客羨鴉歸老  
僕分餽粥山僧貸葛衣所懷無一就深覺負魚磯

兄子石麈生日

尚憶分湯餅俄然換繡襦懸弧猶故里積面是窮途學  
語全兼浙呼儂或類吳風塵愁汝父亦解擲戈無

石磨病慰家兄作

姜被連牀夜驚心坐起頻良醫顧願少亂日客囊貧兒  
類終童子余慚第五倫更聞笑語相顧慰顏嗔

悼亡僕

汝病乏良藥吾貧止敝帷却憐黃耳沒漸覺黑衣稀妻  
子一時淚主人何日歸倘能啣木石長向海東飛

中元作

是日大風雷電

餘腥辭墓後瑣尾倍堪憐望斷梧楸影魂迷桑柘烟風  
雷生萬感魚菽廢三年奴僕潛垂泣何方覓紙錢

舟過茅村茅望子出其尊人遠士先生遺詩相示

甲申之變先生蓋絕粒死感而有贈

夙昔歌朱鳳飄流到墨莊寇封王蠋墓人聚鄭公鄉令  
子傳經術遺文發劍光拜瞻雙柏下未忍遽鳴榔

贈茅望子

時同行諸子甚衆望子  
慨然假館且人爲之所

歷相江南士如君人最稀世情紛不定吾道日多違張  
儉非亡命林宗一布衣浣花村可假爲拂釣魚磯

簡邱子廩

十載論心久交情片語中毀家羞趙勝懷古得張融賦  
命窮偏似爲人淺畧同愛君多病骨猶有五陵風

初至汾湖喜方爾止潘江如錢馭少過訪

痛飲江樓日常詢廿八都干戈餘此地烟水待吾徒  
荻岸千家隱菱花一槩孤脚杯忽洒淚麋鹿滿姑蘇

懷潘江如錢馭少

何地堪追憶南徐共酒尊名齊陸內史人似李長源  
慷慨看劍飄搖欲灌園故人期共隱頻到灤西村

王胥庭養病湖畔余亦病劇久不晤屢以詩來訝  
其驟進答此并呈敬老

憶昔燕臺飲杯闌喚阿戎君才誰與匹余鬢已成翁  
門巷原江左綸竿寄海東新詩起我病只是恨飄蓬

趙韞退有暴客之警走問三首

布帆相次發客路自多驚余避苕溪驛君過橋李城紛  
紛白水識草草綠林兵此輩須臾爾秋壕骨已平  
別後心方折書來病愈加中原方逐鹿南國涪長蛇旣  
乏袁閔里難迴墨翟車依然秋水相望隔蒹葭  
古寺歡連榻西溪恨別筵囊惟新白雪官有舊青氈離  
亂誰能免艱虞爾獨先高堂應嚙指茲日倍心懸

輒退嘉禾之變墜水得免未幾家兄與余溺焉亦  
幸無恙作此志慨并寄趙子

筮得號咷兆鮫宮幾與隣何堪同作客各訝再爲人世  
亂輕膚髮時危聽鬼神鄉關那可望日夜泣波臣

龍潭道上

驢背經過屢蕭然一崩緜餘波通震澤宿霧接邗溝廟  
畧無中策軍書赴上游五陵蔥鬱色回首鳳皇樓

京口遣懷時江上戒嚴

喪亂逢今日馳驅弱此心出忘南北路坐廢短長吟竹  
籜懷新雨櫻桃憶舊林緘書那可寄鄉國少來音

贈未生上人

飄泊身爲累相逢羨爾孤悟從微雨歇夢入曉鐘無洗  
鉢中冷水看雲五嶽圖爲因禮塔後篝火話枌榆

張季昭室人赴水盡節悼之二首



西郊烽火逼南浦折雙鴛荷葉畱鈿影菱花帶血痕空  
啣精衛恨莫返杜鵑魂况值安仁病秋風聲暗吞  
斂涕拭紅粉捐生泣白蘋懸知裂鏡日猶念畫眉人落  
木悲湘女凌波見洛神異時劉向傳彤管未能涇

葉鴻振年伯以書舍借居賦謝

公有才女小鸞早卒有午夢堂集所

假之館卽其室也

游子悲無怙登堂病已蘇家全分邸宅報欲覓隋珠芳  
草傷彤管閒庭響碧梧慚余鳧雁侶日日對鴛雛

春日曹侍御秋岳齋中社集

綺樹鶯猶蟄幽齋花正繁風烟嘶代馬賓客似梁園白

雁愁邊盡青山雨後尊鄴中冠蓋集吾道至今存

亂後入京喜晤米吉士賦贈

八首

恨別頭俱白相逢眼尚青興亡如夢寐南北見飄零冰  
雪尋山屐干戈注水經啣杯收涕淚一一話新亭

詎謂逢戎馬猶然戀蕨薇恥爲窮鳥賦甘臥敝牛衣鴉  
鳩聲何切驢骨豈肥寸心搖落盡畏見柳依依

關河經百戰霜霰愆三年明月應同望秋風私自憐音  
書思趙土涕淚問吳天零落真堪惜君家書畫船

適越歸來後方知行路難眼枯唯汝共舌在復誰看落  
日幽州白悲風易水寒呼兒具燈火商畧及漁竿

昔我辭鄉縣飄搖到會稽應慚磨鏡客詎有負羈妻垂  
老憐鬢鬢生還習鼓鼙祇今仍泛泛故國况蒿藜

秋杪傳書日天隅把袂初異時悲楚越吾道泣應徐

傷

若侯楊王  
喬之沒

莫覓中山酒難忘下澤車平生江海志相向

意何如

聞道春風好羈人實不堪愁看征雁北莫問戰城南醉  
欲摧琴柱狂來拂劍鐔子雲元草在當世幾桓譚  
誰分俱無恙離憂政細論悲深非擊筑驚定與招魂春  
韭煩兒女寒燈慰弟昆憐余驅款段鎮日到柴門

張幼量話金陵夙游賦贈二首

長于爲客日相顧意飛揚贈我青蓮屋分君白鶴糧言  
愁偏對雨惜別欲啗螿檄草猶堪把何人識孔璋  
名園南郭外公子命扁舟楊柳橋邊月芙蓉浦裏樓燕  
山猶昔日江水自東流我欲乘吳榜同君問莫愁

送龔孝升先生守制歸廬江二首

搖落秋風裏登高見素車周南太史淚江表子山書蟋  
蟀聲中舫蒹葭影外廬故人曹子建寂寞意何如  
冠烏思商老烽烟泣楚臣青楓千里暮白雁五湖濱擊  
筑人皆散垂綸事果真孤帆對明月處處客愁新

贈別曹秋岳太僕十九首

伊余狂未減君豈拙無徵  
雨雪餘梁苑川原望瀟陵  
時危輕白璧道在有朱繩  
故國尊鱸思懷哉張季鷹

未暇浮滄海從人閱市朝  
諸侯初列第使者舊乘輶  
哀笛孤城急雲驅極浦遙  
不須歌桂樹忌諱到漁樵

浩歎思今古同悲去住身  
乾坤餘我輩睥睨竟何人  
詞賦還哀郢危言屢借秦  
李侯終不賤醉尉莫須嗔

杯酒論交日天隅歲宴時  
懷人三秀草傷亂七哀詩  
塞管黃沙暗江楓白雁遲  
晨風有高翼弋者更何疑

家國蒼茫外江河感慨中  
露臺方繫馬碣石有飛鴻  
風雨金人掌文章白虎通  
艱難商出處貫酒向新豐

誰信崑崙坼虛言閨閣開風塵淹國士日月老卿才封  
事留丹檻藏書號玉杯傷心孝武紀弓劍有餘哀  
世事宜高枕悲涼倚暮笳酒人還擊筑遷客賦懷沙問  
俗青驄馬思歸白麕車尤知君子意終是戀烟霞  
秉燭慕牀夜芳樽對浩歌朱門儼似昔青眼自無多天  
意摧龍性人情厭雀羅西山微雪後佳句示羊何  
李子多沉思龔卿雅好文一時悲越鳥千里隔江雲落  
日明駝影西風班馬羣愁心何所寄爲弔望諸君  
彩仗天閑內曾聞君馬黃感時歌小宛諷諫託長楊大  
雅翻凌替羣才日陸梁冥鴻自千里增繳未須防

何用哀時命懸黎本易汗文章羞絳灌世態漫蕭朱霜  
滿蛟螭匣風驚朝夕烏扁舟曾有約雙買白蘋湖

自得高陽侶常懷杜曲游徵詩容裋褐畱客醉篋篋鴻  
雁三更榻星河百尺樓漢家恩澤表若箇已封侯

平生山水癖似悔未抽簪自愛吳都賦相憐漆室吟酒  
杯堪跋扈宦跡合浮沉惆悵燕昭客高臺獨至今

卜築穿清沼孤亭號采山到來看鳥立相與飯魚還雙  
闕參差外諸峰窈窕間一從辭二仲不復更躋攀

按郡乘驄日爲郎執戟年狂歌七子後埋照衆人前玩  
世心元苦歸田賦已傳向來多感慨誦爾遠游篇

喪亂頻回首兵戈願息機僕臣天馬頌山鬼薜蘿衣謠  
詠人偏幻行藏事易違懸知鴛水上鷗鳥賀君歸

麋鹿元吾侶冰霜見汝情所思唯古處最忌是浮名客  
難東方朔人輕稷下生濁醪常共引歎息向孤檠  
戰伐何時息浮生此際難誰云愁可畔翻覺恨無端越  
嶠歸前夢吳鉤醉後看憐君豪宕意珍重切雲冠  
逢人真不易食昴事仍虛暫乞文園令休裁叔夜書世  
人矜躍馬賤子學爲漁他日山中訊還應贈揭車

張去偏席上再送秋岳

二首

霜雪交偏苦兵戈客易孤寄愁翻晉問惜別賦吳趨官



柳遲春燕江帆起夜烏最憐之子去吾道日崎嶇  
稱詩青玉案勝友白雲曹故國橫戈戟餘生在桔槔清  
樽雙闕暮明月大江濤嘹唳南征雁翩翩惜羽毛

吳門送單漢平歸試二首

鄉國誰同調憐君頗似儂壯懷看短劍覽勝策孤筇風  
采張思曼文章陸士龍三秋應得意書札寄芙蓉  
龍舟喧競渡鶴澗喜同游以爾思歸引牽余作客愁兼  
葭京口澤鴻雁借湖秋定有池塘句還應慰敝裘

初夏雜感四首

長安三月後官舍似清秋樹色分金掌鶯啼出玉溝塵

沙雲塞隔車馬薊門愁橫笛誰吹汝寥寥獨未休  
長日烏關關飄搖客未還序驚蠶月近春去馬蹄閒作  
賦愁難減爲郎鬢易斑疎簾微雨過暫許夢青山  
冉冉嗟行役東風又柳綿黃雲千騎動青草五陵烟懷  
古過燕市看人入洛年離宮多望幸幾許扈甘泉  
鹽鐵寧辭賤平明公府趨繭絲傷寇盜馬齒倦泥途久  
客悲雙劍微官算五銖東山兄弟好爲說故園無

立春日過赭山寺

杖策寒初減登臺望更清大江烟外動春鳥渚邊鳴日  
帶孤帆去雲連古檣平浮生車馬悞到此愧鐘聲

楊堯叟過訪余以他事不果晤賦此謝之

偃蹇江湖上蕭條久索居自知關吏拙敢與故人疎  
楊柳啼烏夜梅花歸雁初何如燕市裏尊酒共春蔬

贈宣城梅生

梅之先公有居諸集見示

楚楚梅公子其人玉不如偶乘江上舫贈我枕中書  
貝錦詩堪誦星文劍豈虛青箱弓冶在好自惜居諸

寄懷韓有一司李

寂寥韓衆後之子謫人間臥閣江鷗入訟庭春草閉碧  
雲三月柳丹竈八公山應念關門客摧頽似白鷗

夜雨畱方爾止宿次日將之宣州

二首

相逢吟落木此別歎流螢偃蹇羞郎署飢寒逐客星  
簾光搖竹翠江雨帶帆青歸日吾能待新詩滿敬亭  
吏散雨霏霏空堂燭影微風塵人漸老山水客將歸  
素練橫江起黃精入夏肥長鑱聊贈汝爲伴薜蘿衣

月夜張華平趙次公張蒼伯小集蘋園

平生多所負不獨爲青山明月一樽酒主人千里還孤  
琴鴻雁外殘雪薜蘿間歲宴真蕭瑟因君且閉關

六月己酉大雨連夜水至牀下殆無臥處口占二

首簡谷霖蒼學憲

谷亦爲同姓所誣同  
頌繫西曹之別署

羈束嗟同病昏昏晝亦陰隔垣呼濁酒終夜聽愁霖  
蝦

蝮誰能指銀鐻半欲沉天威終不忒豺虎爾何心

太息啣冤久繩牀膝盡穿正然愁雀角况復共蛙眠薄

宦殊枯苑遭讒各後先不須詹尹卜磨蝎是生年

谷善星命

家言時爲余推算頗驗

寄蘭州司馬趙紫垣二首

故人燕市別萬里赴邊州我已辭朱紱君應念白頭關

山明月夜砂磧大河流驛使來西極梅花寄隴郵

城郭臯蘭北衙齋面翠微雪中千帳駐樹裏五泉飛懷

古頻看帖思鄉易溼衣他時如問訊海上有魚磯

送袁宏一進士歸平樂二首

袁禮蘭廷試皆榜末

曲江方罷宴萬里命扁舟天語瞻龍袞秋風達象州丁  
年推後勁丙夜借前籌應慰高堂夢宮袍五色浮  
良友惜分攜勝江望欲逃同歸鶯漸老岐路馬頻嘶樹  
暗枕椰雨山深猿狖啼袁家渴尚在爲我問愚溪

過李望石水亭新構

八首

爲園如作賦慘澹在經營選石分雲態移花驗鳥情好  
峰懸比屋流水出前楹羨爾耽幽勝烟霞觸手成  
偶從花徑入忽訝水軒開素簟涼颺集孤亭翠色來擲  
階魚可膾映戶竹須栽街鼓將停擊憑闌問發醅  
步履晚晴天西山落照邊新荷不勝露疎柳易成烟萍

影兼星亂波痕受雨圓白鷗渾不去爲伴野人眠

韋杜城南陌今同刻曲游鳴蟬依翠幌宿鳥入朱樓趙

瑟花間奏吳歛月下謳衰年亦何幸得共李膺舟

幾曲蒹葭路蒼蒼出入逃客來馴鶴報曲罷曉鶯啼山

遠青無斷蒲荒綠不齊開簾見新月搖漾滿長隄

芙蓉圍四面縹緲一舟虛搆舫名青雀投竿出白魚宜

畱陶峴客堪載米顛書更少風濤慮帆檣臥自如

愛此溪光好頻來屐齒畱碧梧陰乍合畫閣雨初收

四句

缺稿

共有滄州夢尤憐未得歸每因眠竹塢倍覺憶柴扉避

地無高策浮生欲息機期君霄漢上長護釣魚磯

舟行雜咏四首

襖被初寒夜輕舟溯曉風豆花秋水白棗實遠村紅細  
雨眠沙鳥疎燈帶草蟲誰家催搗練砧杵月明中

北上成霜鬢南征倦尉羅長慚漁父問重聽榜人歌斥  
鹵田家少平沙牧馬多濁醪隨意醉真足敵風波

解纜仍高枕蕭然似敝廬破愁惟好月壓浪疊殘書隣  
舫數聲笛前村半夜漁浮家如可寄甘就五湖居

烟雨津門道盈筐紫蟹肥渚鷗窺客慣檣燕伴人歸故  
物青氈在清秋白髮微鄉書憂歲旱愁絕黍苗稀



多明道先生集卷二  
贈柯素培給諫二首

諍臣元不易納諫憶

先皇抗疏聞三殿陳情戀北堂言危關國是道在驗時  
康暫臥烟霞外嘉謨未可忘

昔誦陽城草今從郭泰遊青油聯越舫白苧聽吳謳鴻  
雁南皮夜蒹葭北固秋觀濤期信宿一醉大江樓

舟泊靜海高中寅年兄同勵昌世丈招飲感贈二首

再到平津邸蒼茫掩淚痕依然敦世好幸不辱師門齒  
髮

天王賜松筠手澤存班荆從此去誰肯念王孫

相業畱青簡遺文泣絳紗詩篇還大雅經術果專家麟  
筆書難續雞林路未賒校讐吾豈敢後死愧侯芭

勵昌以文

端公集  
屬余序

寄米紫來進士 二首

已甘捐七尺白骨倩君收何意支離叟仍爲汗漫游橐  
籩徵古道筆塚見風流最是銷魂地荆高舊酒樓

中散才名獨長康絕藝三千秋人不作異代爾能參健  
筆題黃絹晴牕染翠嵐閒來看潑墨深覺愧青藍

曉渡齊河

殘月平沙外孤航蔓草間雨添一寸水雲幻幾重山小

市魚鹽氣寒江鶴鷺班柴荆猶可問何日賦閒閒

荏平早發

鹽櫛因人起勞勞估客裝星流霜逾白月共柳爭黃梨  
棗新官稅蓬蒿古戰場停車問僮僕更欲向何方

壽張飲張及菴年兄署中

四首

泗上諸侯長謳歌一路中防河疏馬頰問俗過龜蒙謠  
詠憐吾老文章讓爾工左驂今未補曾欲贖微躬

異事從新說宵分僕屢更四愁公子怨三宥故人生燈  
下枯魚泣霜前新雁鳴感君兄弟好獨有在原情

藉甚三張譽霏霏京洛篇萍踪驚此夕柳色憶當年綵

筆江山力綈袍雨雪天莫辭魯酒薄酌罷轉悽然  
蕭蕭鈴閣靜半榻似吾廬古路無鳴鼓高齋且著書布  
帆千里別智井一身餘秋水連衰草飄搖安所如

舟中九日作

不向東籬臥翻成南國游茱萸三載淚蟋蟀異鄉愁老  
去慚霜鬢悲來倚柁樓無人能送酒簫鼓羨隣舟

舟中有懷柯素培給諫

二首

蒲帆不相待知爲絲衣回已落淮南桂堪思河朔杯霜  
蘼鱸可膾松徑菊初開好作閒居賦須令野客陪

蹉跎如退鷁風雨忽逃離別浦鴻千里遙天月半規懷

人吟橘頌拜母補笙詩雀鮓君鄉美盈筐幸我貽

瓶菊 二首

三年吾喪我花事欠相忘小摘來僧舍中宵照客牀霜  
飛魂共冷風定影能香何似書幃裏銅瓶古佛傍  
一枝驚在握雙眼未全盲自喜無多豔翻憐似特生病  
中收藥裏歸去築花城竟夕寒相向羈心爲爾平

讀周櫟園詩有鈔書續舊忘之句廣其意和韻四

首時中秋後二日也

何地非嘉月偏于此夜涼開箱尋短褐散帖臥匡牀官  
能真能懶愁多况善忘秋蟲燈下語客意若爲量

孤帆聞過雁，故告候初涼。忽憶滄洲夢，應閒白石牀。  
鷗眠自穩，魍魅笑相忘。莫測皇天意，書空且自量。  
楓林搖白露，一葉掠船涼。歸燕曉辭幕，寒蟬夜到牀。  
長貧知僕性，百感對僧忘。婚嫁欣無累，將從達者量。  
萬井砧聲裏，天風爲客涼。濁醪難獨醉，好友憶連牀。  
海曲歸何晚，山陰興不忘。殘生須自卜，詹尹豈能量。

宿摩訶菴

不意能來此，高僧共默然。燈傳無盡劫，花有再生緣。  
幻夢初弦月，微軀小劫年。畫廊松影外，呵壁問諸天。

過福緣菴贈一足禪師 三首

看竹到禪扉逢師杜德機菊花存佛性梧葉補僧衣霜  
落半庭寂雲深一磬微客心何所着相對欲忘歸

南州獅子座藉甚一夔稱自任維摩疾親傳惠遠燈廣

陵江上月廬嶽澗前冰欲問無生理支頤笑不膺師一足跛

故號一足

師嘗歌百罷吾亦賦三休力定聞鐘後心閒閱水流齊

年殊鈍惜師與子皆甲寅生半世愧沉浮爲說支公在題詩寄

沃州師有百罷歌甚佳

禮德宗和尚影堂遂至塔院因示一公二首

百億身難贖天人痛苦何荒林思華路小劫墮修羅今

古悲長夜乾坤總逝波松篁多手植清影自婆娑  
故物繩牀在殘經走壁魚古賢多此難幻夢返於初燈  
影照無盡鈴言哀有餘衣珠終不壞酷吏竟何如

和曹顧菴湖心亭作

二首

客中忘禊事高咏大堤篇積雨肥蓴菜餘花表杜鵑  
歌四面入樓閣萬家懸處處催歸舫輕雷暮塔前

湖上啼鶯早人來歸雁初登臨欣並屐貨殖續成書  
方有城工之役弱柳垂疎檻游魚出碧渠不逢漁父問誰識楚

三間

喜王西樵至湖上

二首



伏枕南屏寺聞君脫罽羅翻然具舟楫及此問烟蘿驚  
定收雙淚悲來著九歌惠連新句好惆悵未同過

惜別魂猶悸相逢病欲蘇全身來北寺畱眼看西湖白  
社期同往青山道不孤故人曹鄴在吟眺慰窮途

客湖  
寺

### 贈郭臯旭

共切弓裘恨相逢涕倍增世家推乍浦公子是張星小  
宛悲何及高山操可聽君歸須載酒一醉落帆亭

王西樵招同林鐵崖孫無言葉元禮攜姬人文雲

湖舟泛月分賦 四首

湖光宵更好，惆悵隔闌闌。此夜因明月，相攜到水涯。  
芙蓉公子佩楊柳，莫愁家却憶三春際。笙歌負落花，  
嵐氣晚蒼蒼。新荷受雨涼，張燈山四際。擊汰水中央，  
歌緩畱雲住。烟深覺月藏，魚龍應未臥。夜半有鳴榔，  
宿鳥衝橈起。流螢逼水明，微茫辨野寺。睥睨隱孤城，  
蔗杖尊前舞。尊絲醉後羹，何當大堤上。重賦麗人行，  
底事畱髡宿。狂歌到曙星，衣香分蛺蝶。酒酸落蜻蜒，  
按拍吳歛囀。看看越岫青，頻游當秉燭。長醉不須醒。

同楊執玉玉西樵諸君泛舟第一橋聽莊蝶菴彈

琴二首

暑氣晚猶沸一航隨所之流雲侵袂冷清漢逐舟移橋  
影明如玳荷筒卷作卮忽聞淥水曲幽意滿東陂  
入夜清商發罷彈山悄然繁絃疑鶴唳清響到鷗邊高  
士默相對勝游良足傳吾將理歸艇海上問成連

林和靖墓

寂寞孤山冢烟霞莽自封黨能逃慶歷道不愧林宗香  
夢宜爲殉

墓側古梅數  
本樵蘇殆盡

仙禽未可蹤君看六陵樹石馬

臥寒松

剡溪道中

昔人乘雪往而我溯風行萬壑穿雲轉孤舟與石爭魚

游寒水見鷗立夕陽明安道畱遺宅寥寥千載名

和曹顧菴學士湖舟泛雨

四首

甲子冥冥雨湖波長半篙巨魚潮並立輕燕晚爭高欵  
側蘇堤柳參差露井桃翩翩游俠客珠勒不知勞  
盪槩烟初破迴撓雨未收樵歸梅半斧候暖麥將秋雲  
氣藏山寺江聲抱郡樓客懷俱拓落不但爲依劉

淪茗來僧舍尋花趁釣船長堤游女徧勝跡老漁傳貫  
酒難盈斗更衣止去綿他時曲水宴修禊是何年  
鶯筍佳辰至尊尊勝友俱可憐過上巳何計補東隅客  
比游絲颺心同山木枯來朝還倚杖莫遣野游孤

乙巳初夏同王西樵孫無言孫晦生王仲昭葛無

敦張步青張艴仙游壑菴

四首

步屨湖山外看雲逐子規偶來朗公室疑在習家池  
馴鳥下幽磬殘花覆酒卮坐聞天籟發長笛且休吹

桑柘荒無徑薔薇密作藩波光搖竹影石罅走桐根  
疎樹含朝氣新蒲佐夕飧亂峰眞突兀更欲醉中捫

信宿繩牀內羈心轉欲迷烟深鶯自語雨過筍初齊  
榻許湯休借詩同謝客題直須捐物役長此卜幽棲

橋斷浮槎接魚游曲澗清振衣行樹杪煮茗亂泉聲  
傍暝山鐘落侵晨灌木鳴重游期不遠應待月華明

灌木鳥名

輓劉江都二首

震修之子  
才而早夭

三秀階庭草方春委路剛通家隣小鳳才子泣童烏鉞  
息誰能贖巫咸若可呼應無虞博恨松楸在勾吳  
正禮金仙偈俄驚玉樹摧緋衣天召速黃鳥國人哀世  
事元朝露詩名到夜臺西河悲欲解重向謝庭來

寓樓晚眺二首

畫閣凌雲漢平堤夕靄邊客隨幽鳥集星映遠嵐懸劍  
匣愁來引鐘聲暝後圓鄉心千里絕雪淚話歸年  
挾瑟危欄內驚心鳳笛吹柄烏千點亂宿犬數聲悲素  
雪紛如集幽蘭應恨遲擁爐朋好至試索送愁詩

輓卓珂月夫人二首 火傳之母

任咸吾所慟腸斷輟春年文賴閨中校經從杼下傳堪  
憐黃鵠咏重補白華篇雙劍西冷合停橈涕泫然  
身代衰翁子賢爲士女師幸酬婚嫁志不爽夜臺期陶  
侃多佳客楊修一小兒他年勒彤管應表華山纈

曹秋岳園亭 四首

憶共南皮讌維舟問習池鳥聲隨雨變花信度風遲溪  
漲平橋隱烟深怪石危竹間書姓字莫遣塞垣知  
步履及佳辰蒼荒屐齒新孤亭因月設四壁出雲真松  
老如高士鷗閒當主人忽聞清磬發晚梵在東鄰

鴛湖非不美，彌望少青山。及到林塘內，翻疑巖壑間。桐  
根穿罅出，竹筍負泥斑。漸喜園丁熟，柴扉不上關。

幽檻俯盤渦，虛廊挂女蘿。翠禽巢臥柳，蒼鼠落高柯。芳  
草雪中淺，夕陽松際多。自憐爲客久，又賦早梅歌。

余客  
浙中

兩見梅  
花矣

放鶴洲分得尤豪二韻二首

白鳥集寒洲，柴門納水流。竹光遙過嶼，花影曲藏樓。春  
已三分減，時正月  
晦日人須十日留。莫愁歸徑滑，燈火借漁

舟

欲就梅花臥，安知策杖勞。橋欹妨並屐，屋側進輕舸。選



石成碁局臨流習桔槔何時攜玉笛坐待月華高

邵令公六袞壽

人自烟霞侶名從方技尊上池披玉笈大隱賦衡門橘  
映蘇耽井花明角里村稱觴多上客燂爛醉芳樽

賦別陳雲翼入試北闈

相逢修禊日曾共采蘭舟古寺聞鐘歇名山載酒遊龍  
媒元翼野駿骨在幽州青眼高歌意期君百尺樓

紅橋分韻二首

裙屐偶然集相攜過酒家烏因紅葉密橋倚綠楊斜秋  
氣歸殘菊山容補落霞雷塘不可到畫角亂昏鴉

我讀紅橋咏尊疊羨雅人至今傳勝賞誰復撰良辰好  
友來千里寒花開四隣廣陵唯此地鼓枻莫辭頻

十月十七日諸同人宴紅橋分得舟菴二字二首

爲愛林塘好天寒秋色留池光翻白鳥城影壓朱樓斗  
酒此高會長堤足冶游明年修禊事還擬盪輕舟

客心驚物候楓葉落淮南瀟酒諸賢集登臨此地堪雅  
歌隨玉笛纖指擘霜柑晚就支公語繩牀半偈菴

贈別李范林大叅兼懷令舅蘇環中給諫

三首

苦憶論文地燕山共酒樽尉羅堪屢及諫草至今存塞  
雁來南國寒蜚鳴北軒因君商卜築幽興滿梁園

淇上多君子從來史與籙掖垣曾並美宅相豈全虛雪  
裏蘇門嘯燈前汲冢書何時肩翁笠薯蕷與同鋤  
握手疑占夢况當搖落秋却因桂花發翻作竹林游後  
會期漁艇輕帆別虎邱離心與明月雙逐大江流

佟漚白中丞僻園四首

中丞開別業選勝古長干樹老柴門窄泥香屐齒乾置  
亭招奕客劔筍稅園官坐愛江天晚斜陽獨倚欄  
冶游喧士女車馬竹林西路傍蒹葭入行因蛺蝶迷遠  
山青不斷芳草綠初齊比舍饒新釀清樽處處攜  
畫廊標物外那復似人間石色連松影波光亂竹斑巢

雲多鶴鶴佐酒出魴鰈况值初弦月高歌未擬還  
憶昔山陰道扁舟到寓園側看巖際屋直似畫中村勝  
賞今難再風流此尚存由來歌舞地應在謝公墩

佟中丞招飲僻園重賦

四首

未遣雙童報多因看竹來忽聞紅藥發正爾綠樽開客  
有登樓賦人思運甃才東籬叢菊少須及雨中栽  
鶯啼殊未倦燕壘恰初營花外春風改林端夕照明青  
藤過舊格白紵譜新聲聽徹吳兒曲巖城每曙更  
逢迎寬禮數藉草任高眠莫歎金城柳長參玉板禪鐘  
聲諸寺近塔影萬燈懸掃徑公應許牆東借一椽

歸田惟種秫花檻俯糟牀縱飲寧論直逃名自有鄉異

公於園中

設酒局客至輒醉

萬竹菴和曹顧菴學士 四首

幽篁微雨後屐齒染餘青樹暗南塘路人占太史星世情宜抱甕家政遞傳經客至揀銷夏滄浪自有亭

名園關數啟良友手重攜竹翠鶯偏喜芻青馬不嘶捲簾花氣入岸幘柳烟低越客爲余說依稀似剡溪

越客謂余

真岫太史

君家多別館留我度殘春欹枕見山色橫琴在水濱松

筠雷劫火丹雘待騷人欲作啣泥燕來看棟宇新  
爲歡銷橫燭相贈折疏麻曲簪池邊鶴將雛井上鴉夜  
涼衫袂覆醉舞笠偏斜高會秋能健香膠泛桂花

送王子荆歸蜀中

二首

揚舲向何處萬里下瞿塘別酒聽荷曲還家問草堂江  
流城郭在兵氣菊松荒我亦飄零者臨岐淚數行  
同作兩湖客君爲三峽行荆扉鄰虎穴蜀語喜猿聲壺  
榼攜親串兒童訝姓名蹲鴟鄉味美努力事躬耕

苕溪舟中和吳仲徵韻

二首

又向吳興道多慚物役牽偶逢旧父問但說主人賢橙

橘香秋雨蒹葭冷暮烟村醪何處貫須趁採菱船  
王孫趙承旨健筆寫湖山草樹微茫外蜂巒澹宕間畫  
圖餘想像屐齒得躋攀景物須君補經營莫放閒

己酉正月過姜如農東萊草堂

八首

痛飲桐陰下王春已再更齒牙相效落杯罍喜同傾弱  
子能吳語諸孫羨甯甥夜闌話鄉曲燈火似柴荆  
衡宇東西巷堪思竹馬游生兒交着膝拜母許科頭善  
謔呼名字高眠共被篝山陽思舊淚哀笛不勝愁  
棣萼差相敵鴻鵠二姓聯續貂余獨後奪錦爾尤先孝  
友元方著文章小陸偏藐孤眞汗血相向一潸然

余與如農

兄弟皆  
四人

拜杖端門下孤臣命若絲何堪天遣日卽是國亡時諫  
草傳梅尉扁舟混子皮似君幽隱意獨有白鷗知

同時熊給諫不異楚靈均破衲稱高士殘碑記黨人老  
從方外友悟彼定中身應據生公石軍持話夙因

豈不懷鄉土其如多露何親朋半猿鶴童稚喜風波大  
隱偕漁父餘生勸雉羅欲從龜策問何地着青蓑

聞道臯橋側梁鴻有故居一枝倘許就三徑得相於共  
飽江東膾休歌海大魚往來林屋洞筋力較何如

借問青州酒何如下邑良色因寅日白釀讓卯君香

君家



善釀行二故以子由爲喻

三若風斯下高陽興不忘麴生如可作此

外不思鄉

吾邑寅酒色味俱美君論酒以爲江以南皆不及也余深然之故云

同姜如農訪顧雲美虎邱精舍

二首

數竿修竹外亂石守柴扉客至不言酒春來又典衣八

分韓擇木半子陸探微

君塔隸生善畫

茗粥隣家有高歌對落

暉

短簿祠前路參差石徑斜苔痕膠客屐塔影入君家碑

版窺元象松杉響暮鴉翻嫌林處士多事聘梅花

劉紫谷匏樽書舍

二首

一笏纔容膝花香坐臥圍竹穿新檻出燕補舊巢歸畫

舫名堪襲匏樽興不違看梅須雨霽幽夢欲先飛

擇配君何晚如臯射雉初

君四十有五始娶

畫看秦氏女伐髓

越人書野鶴窺丹竈園蔬膾白魚阿翁畱客醉一石不曾餘

### 雪燈

誰翦瓊瑤片輝輝近玉繩已驚花六出復映火千層光  
掩綫看月寒分姑射冰祇宜雲母障永夜照觚稜

### 崑山道中有懷盛珍眎歸元恭

甲子兼旬雨春風共客貧可憐芳草路不見採蘭人山  
曉雲初起梅寒粉未勻何由攜襪被看竹到西隣

胡去驕羅以獻步訪南園漫成 二首

風雨今春甚融和快此朝輕衫初御袷芳洛曲通潮入  
饌河豚賤窺簷海燕驕郊居吾欲賦不擬是鷓鴣

弱柳長堤合修篁一徑分儵魚輕自擲鷗鳥靜爲羣雲  
起籠花影風來織水紋坐看芳草色獨立向斜曛

吳六益招飲梅花書屋分韻 四首

先生元北郭卜築見西山花影共成幄鶯聲獨閉關酒  
從由父貰詩讓布衣閒風格君偏老黃初大歷間  
野棠纔覆檻春水欲平階高隱羨之子狂歌許我儕人  
倫宗有道姓字隸無懷採藥橫山曲長鏡與爾偕

自爾匡廬返文章轉益工  
亂峰收杖底瀑布在齋中  
畫壁游宗炳清樽對孔融  
論文吾不逮暮齒幸相同

六一與余

寅同甲

共着尋山屐來看注水經  
柳搖書幌碧竹影酒杯青  
勝

地過濠濮知音憶敬亭  
何由對明燭高話問三星

敬亭謂愚

山施君也

同吳六益沈雪峰胡去驕分韻二首

歎息平原館今爲祇樹林  
僧閒依病鶴客至感亡琴  
斷壁懸藤古空堂受月深  
泉源在何許拄杖下西岑

空山風雨後春色未曾闌  
鐘磬松陰下衣裳澗影寒  
水

流還自定雲起每無端何必青精飯籩根筍可餐

已酉立冬日阻風燕子磯過訪蒲菴禪師坐花笑

軒分韻

四首

榜人呼不起雙屐破寒初古木方搖落閒階未掃除構  
亭開翠碧飯客摘青蔬坐久聞高咏拈花一笑餘

朔風吹萬籟哀壑雜江聲地僻羣鷗入雲涼一雁橫漫

勞催柁轉且緩待詩成何日杜陵叟霜林踏月行

懷杜  
茶村

佛樓臨燕子沙渚漸南侵不斷蒹葭影無多鐘磬音漁

舟霜後集樵路雨中深莫負雲山諾重來問竹林

碧雲佳句好君與惠休齊五字真無敵千峰許共攜暮

潮烟樹外斜日石門西繪事推高座還應畫虎谿

師門人見

月善  
畫

舟行復阻重泊磯下過蒲菴和尚

曉逐隣舟發檣鳥退不飛風能馴客性夢只到僧扉荒  
徑青蘿古遙天白鷺微浮生無住着哀樂半相違

燕子磯曉發

今夜潮初穩揚舫喜見參山鐘霜月溼村舍曉烟深枕  
簟蘆花氣雲霞楓樹林寥寥天外雁頓起故園心

同牧仲弟及譚長益諸君子宿焦山僧舍分賦四  
首兼送牧仲歸黃州

放棹焦山寺登臨快所思巢鳥多古木瘞鶴有殘碑遠  
浦明漁火長亭別羽旗夜涼收衆籟鐘梵出林遲  
薄暮烟方合蒼茫見蒜山人依青嶂臥僧與白鷗閒殿  
角松杉內江聲枕簟間支筇臨絕頂縹緲振衣還

高下精藍啟龜鼉相伴居鹿裘三詔客龍氣兩朝書城  
郭孫盧後江山戰伐餘卯君談赤壁勝跡定何如

寺有宋明

追封焦先  
詔書尚存

竹根清盥罷幽磬曉堂開松老雙龍偃濤翻萬馬來入  
山思把臂惜別更登臺春草他年夢傷心去鷁催

贈蔣泰緒

吳中有高士與世暫浮沉  
至道存方技新詩滿藝林  
韓康依市隱蔣詡閉門深  
藥石能生我論文愜素心

廣陵晤劉公戡考功二首

先後忝同官偏嗟御李難  
珮驚蘭在握山倚玉增寒  
高義推青穎雄文起建安  
竹西歌吹地猶得共追歡  
昔羨王祠部紅橋有勝游  
綢繆貽白紵風物正清秋  
賓客南皮燕江山北固樓  
相知交恨晚爲爾暫維舟

申園四首同姜如農作

病肺兼陰雨不知春有無  
閒門新柳暗荒徑落梅鋪  
鶴立雲分影蜂歸香在鬚  
兩翁攜快壻半醉欲相扶

君壻吳余



壻卽君長  
子勉中也

舊與張常侍同吟桂樹歌  
重來松鼠大相對  
渚禽多花氣  
侵衣袖  
茶烟隔薜蘿  
終焉遂疎懶  
白首問漁蓑

百尺辛夷樹  
春秋兩度花  
游人紛作賦  
園叟至今誇  
池

水通吳苑鶯啼過  
阮家隔籬施枕簟  
歸臥月方斜  
奉世新居

近在隣比子常寄宿其家

絕磴苔仍繡  
陰崖雪乍消  
奇雲爭似石  
臥柳自成橋  
親串他鄉老  
林邱故國遙  
欲尋支遁去  
長日坐僧寮

寓侯記原秬園十二首

侯廣成先生故居也

繫舟猶未穩  
邀我過西軒  
舊好敦三世  
新知在一言  
空

餘袁粲宅不返汨羅魂君問浮生事蒼茫掩淚痕  
老樹清溪山柴扉亂竹聞家同曹社覆園似楚弓還徑  
窄纔容屨僮稀懶上關何須安洞壑面而是眞山  
小閣俯廻塘橋危客屐妨燕如巢齋舫鷺每立匡牀栝  
柏三更響芙蓉五月涼倚欄思把釣此事近來長  
高枕吾廬似花香繞屋清夢回魚潑刺祭後猶縱橫宿  
釀呼兒勸殘碁共客爭吾衰甘就隱不復問歸耕

寂寥戎馬後故物剩長鏡我尚思盧植君無愧阮咸松  
杉存手澤鷗鷺領頭銜金石殘篇在光芒未可函

君以五世

遺稿屬  
余點定

榮戟高門盛衣冠巷有烏八廚推令弟千里羨遺孤龍  
性悲難似鶴原痛不殊知君思小謝池草任荒蕪

令弟研德

賢而早天有子  
大年最知名

幽居常屏跡貧病得相宜官稅輸蠶豆園蔬摘兔葵論  
文憎燭短送客出蘿遲他日相思處深篁聽雨時

飄泊仍吳會淒涼但越吟鄉遙悲去雁春晚見來禽老  
病初攜杖良朋喜盍簪婁塘堤上柳步屐定相尋

上巳遲三月

是年閏二月

高齋自一家魚梁連竹屋雞柵縛

藤花萬木偏能冷羣鷗未覺譁臨邛頻送酒莫遣豹奴

賒

明月堂中月清光似主人祇應江海客來對雪霜辰賦  
草傳丁卯年華記甲寅君與余同年生高秋還鼓柁重看桂盈

輪

頗訝盤餐設因知典鷓鴣簪篋中飯飽粒糝細君良尹

綠開書帙

嘉定餒餽爲吳中嚴君家尤精尹綠園中樓名

樵青續酒漿客心與

春色浩蕩滿歸航

未忍辭君去行行且復淹酒鎗朝尚臥花箭夜來添齋

薰開極盛

白鳥聲相亂黃魚價稍廉東隣如可問龜策未須

占

東園二首

繫纜芙蓉岸舟人指翠微却攜青箬笠來欸白雲扉夏  
木鶯聲接高樓山氣歸隔離精舍晚清磬滿魚磯  
曾聞邱壑美悔不及春游正欲尋源去何妨爲雨留綠  
蘿宜習目紅葉不同秋

林中忽見紅葉

歎息浮家客飄搖愧野

鷗

集汪子梧秋霞圃分韻二首

尚憶聽春雨重來看晚霞綠蘿逃曲徑黃鳥餞餘花月  
出桐陰淺烟深柳岸斜坐聞關塞曲羯鼓欲三過  
一徑藏邱壑蕭然見竹廬開池供鶴浴雨榭與僧居雨  
後尋山屐燈前種樹書因君詢白岳雲物竟何如

贈別趙雙白

瘴海思歸客，攜來選翠微。  
却憐葦菜老，不共鷓鴣飛。  
天欲存窮鳥，文將起布衣。  
帆江上別况，是雨霏霏。

九日王敬哉宮尹郝雲海侍御同遊西山宿幽山

寺分韻二首

黛色西山好，年年馬上看。  
茱萸逢九日，襖被宿層巒。  
杖松杉暝，吹笙殿閣寒。  
五陵回首處，霜葉萬楓丹。

遺墨畱宸翰，危欄倚梵宮。  
僧歸紅樹外，鳥語白雲中。  
孤磬斷還續，寒泉咽復通。  
客從三峽至，戰代說巴東。

來青軒額

明宣陵御書也

送陳崑崙謫刺耀州

青衫人欲老五馬向西州  
鄉樹黃河隔山城漆水流  
袴襦歌叔度稼穡頌公劉  
華嶽登臨後題詩寄舊游

喜表弟董樵至

數枉山中信江湖問逐臣  
憐余常作客知爾尚依人  
刀俎驚前夢漁蓑老此身  
故園風俗薄猶有葛天民

贈周計伯郡丞四首

時擢太原太守

爲憶梁園客曾題庾嶺書  
交游憐我在憂患識君初  
使酒狂猶故論文老不如  
依然朱紱舊誰道主恩疎  
貝錦何年織遭逢頗似卿  
蛾眉元不減馬角幾曾生  
姓

字傳三殿旌施冠百城君看太行險未足敵人情

佐郡領雲州弓刀出塞游人烟稀馬邑雨雪溼貂裘訪  
古過青塚開尊醉白樓寄言魏光祿莫惜作書郵

魏環極先

生家在

蔚州

晉國桐封地年來困繭絲叔虞風自古尹鐸爾堪師問  
俗熊羆軼勞民蟋蟀詩懸知汾水上竹馬徧羣兒

送曹澹餘少宰開府黔中

二首

青門一相送陌上雪初消前導騎馴象殊恩解御貂山  
川分五嶺風壤半三苗幕府陳琳在征途慰寂寥

謂李武曾

八尺連錢馬銀鞍玉鑿蹄賜從天廐內直到夜郎西文



網寬邊吏索漿拜遠黎應憐謝康樂春草獨含妻

謂令兄升

六舍人

鹿

野鹿來何處霜毛錦作斑  
依人三徑內養子萬松間  
畫壁呼堪起雲林去不還  
他年問仙隱多在大勞山

張湘曉齋哀詔之闕書來却寄

弓劍橋山墮旌旄瘴海過  
八蠻初編素三殿罷雲和  
榕葉城邊古梅花嶺外多  
須令天子詔威及粵王陀

寫哀

五首

幽憤嵇中散悲歌楚左徒  
余材誠不逮其事若相符  
擘

華嗟男子申申晉女嬃巫咸渺終古風雨悶難呼  
憔悴南冠繫淒涼北寺門凍雲添夜哭怪鳥下朝殿百  
代臯陶廟前朝李杜魂欲排閭闔問虎豹一何尊  
書空終夕坐星斗自昭回敢向秦庭哭空慚漢史才履  
霜君子操貝錦寺人哀安得東方朔爲君語怪哉

執戟霑微祿棲遲仰大官纍臣天不弔 聖主法終寬  
宗祀哀羊舌身名笑鼠肝鬚眉眞自覩書札報任安  
焚香看釋典清夜想前因文字纏餘孽風波到鮮民紛  
紛朱紱賤累累赭衣親莫恨青蠅棘相畱弔此身

與米吉士別三年今歲余來京話舊感賦 二首

適越歸來後方知行路難  
眼枯惟汝共舌在復誰看  
落日幽州白悲風易水寒  
呼兒具燈火商畧及漁竿  
昔我辭鄉縣飄搖到會稽  
應慚磨鏡客詎有負羈妻  
垂老憐鬢鬢生還習鼓鼙  
祇今仍泛泛故國况蒿藜

春杪感懷

長日烏關關飄搖客未還  
序驚蠶月近春去馬蹄間  
作賦愁難減爲郎鬢易斑  
疎簾微雨過暫許夢青山

曉雨和王胥庭

時泊惠山

鸛鷺相招起凭闌獨浩歌  
雨聲猶帶夢山色欲成波  
鳥愛翻紅藥人堪佩綠蘿  
干戈頻解纜無術奈愁何

秋夜

園牆依骨肉燈火儼柴屏未忍捐紈扇仍商賣葛衣生  
憎鳥不定翻羨葉能飛曷日雲山曲漁竿一笠歸

寄馮嵐北

木末亭邊飲悲歌上酒樓隔簾聽趙瑟倚檻拂吳鉤醉  
臥胡姬側時過日者流由來鄙章句努力策封侯

寫哀又二首

夙昔懷明發蹉跎四十年省躬期畫地邁閔欲呼天白  
日霾雙闕悲風感下泉生存何面目三復蓼莪篇

五子歌堪泣飄搖安所歸覆巢知不免貫索竟相依霜

霰號鄒衍音書痛陸機故園千里夢望斷鶴鶴飛

埋憂

半月司空獄蕭然欲白頭無家堪寄愛何地可埋憂淚  
滿烏啼曲魂飄蜃市樓濁醪知僕恨不遣五更愁

送周宿來賚詔閩中兼懷直方尚未諸昆弟二首

聖主臨丹極天書下越裳皇華周四牡畫省漢諸郎江  
雨催春服山鶯送客裝經過多歷覽能不憶鄒陽  
海外暫行役雲間爾舊居到能通白雉歸莫戀鱸魚共  
羨王褒節堪悲楊惲書南宗諸阮在歎息定何如

余家海上有林園山墅之樂自逢多故僅有存者

十年之間未嘗一日棲焉歲時道盡聽我舊居

作故山詩

六首

汨汨哀時序悠悠思故山  
敝廬滄海曲荒徑翠微間  
幻夢驚藏鹿狂歌欲放鵬  
年年芳草綠惆悵未能還

小築清溪上茅齋萬壑圍  
歲蕤開木筆睨曉弄金衣  
樹色平臨榻泉聲曲抱扉  
蒼茫烟水外閒殺釣魚磯

澗水東西合鄰人上下居  
數竿穿徑竹一寸跳波魚  
戶外求羊履牀前郭橐書  
幸留牙齒健薇蕨敢辭餘

步屨違人事空山遣物華  
燕泥霑柳絮鶯語落松花  
采藥春方晚尋原日每斜  
興來殊未懶冒雨自鋤瓜

暇日誰能數秋來勝事多風飄萬里雁木落大沽河素  
月桐閒引銀笙東下歌滄洲無限意回首愧漁蓑

別業旌旗口峰巒紆畫圖白雲千嶂合紅葉一村孤池  
鶴今誰主林鶯屢換雛縱令歸計穩須借老藤扶

名

旌旗  
邑山

園中雜憶 四首

藤蘿

井畔長松覆藤蘿繞徑斜風來搖紫纈露落綴丹霞偃  
蹇山公署娑娑陶令家後人思手澤剪伐莫頻加

海棠

二月沙棠樹遙憐故國春每從新月上如對浣紗人亂  
蕊隨鶯羽餘香染蝶身年年韋曲路攀折倍傷神

合歡花

合歡何裊裊遮我讀書帷倒映烏皮几斜牽白接羅  
情知夜合人事有生離未足蠲余忿芳菲空爾爲

鶴

孤鶴飛來日余纔及鶴肩長鳴先白露將老夢青田自  
失雲中翮空餘松際絃九臯聲髣髴須汝問高天

炙背

貝錦無停織秋槐葉又黃垂頭餘暮氣炙背喜朝光階



下鶉衣冷天邊雁字長客愁逃畔岸安敢問穹蒼

和輝竹

多難吾將老相依汝獨殷敝裘寒共著濁酒夕還分詎  
免窮途淚尤嗟誓墓文愁來聊徙倚西北是浮雲

獄中聞蟬次郭輝竹張無念韻二首

客愁兼積雨霽色未全開忽訝元蟬影還隨黃鳥來勞  
人歌自苦靜者意何哀却憶柴門裏臨風聽百迴  
羨爾衣裳楚脩然欲御風豈應懷別怨何事訴高空熠  
耀宵堪語螳螂技已窮物微滋感惻洒涕故人同